

ՎԵՀԱՓԱՌ ՀԱՅՐԱՊԵՏԻ

ԿՈՆԴԱԿ

ԱՒԱԳ ՔԱՀԱՆԱՅԻՅ ՊԱՇՏՕՆԻ ԵՒ ՊԱՐՏՈՒՅ ՀԱՄԱՐ.

Խմբագրութիւնս իւր խոստման համաձայն ահա հրատարակումէ Ազգիս Վեհափառ Հայրապետի Ս. Սինօգին ուղղած պաշտելի Կոնդակը եւ Աւագ Քահանայից պարտուց եւ պաշտամանց վերաբերեալ Հրահանգները:

«Յօրէ դահակալութեան մերոյ տեսանելով զինչ
«ինչ զեղծմունսս և զնորամուտ սովորութիւնս ներ-
«մուծեալս յօտարաց յեկեղեցին մեր իբր ի միոյ դարէ
«հետէ՝ ջանացաք զնորամուտսն բառնալ իսպառ, իսկ
«գնախնական և զազգային բարեկարգութիւնսն խա-
«փանեալս անդրէն վերանորոգել: Աին ի բարեկարգու-
«թեանց եկեղեցւոյ է պաշտօն և պարտաւորութիւն
«Աւագ Քահանայից, զորմէ յառաջ քան իբր զվեց
«ամ ըստ հետեւեալ Հրահանգաց կանոնաւորեալ եւ
«յանձնեալ էաք Վաբրիէլ Աբբեպիսկոպոսի Այվա-
«ղեան, յետ տալոյ նմա զառաջնորդականն պաշտօն
«վիճակին Արաստանու և Վմերէթի՝ գործադրել
«զայնս ի նոյն վիճակին, և որչափ կարելին էր՝ յիւ-
«րումն կենդանութեան ի գործ եղ, բայց այժմ՝ պատ-
«շաճ դատիմք առաջադրել Սինօգիգ և հրամայեմք
«հրամանագրել ոչ միայն Տփլսեաց՝ այլ և ամենայն
«վիճակաց, Թեմական Ատենից և Հոգևոր կառավա-
«րութեանց անշուշտ գործադրել զայսոսիկ Հրահանգս
«վերաբերեալս պաշտամանց և պարտաւորութեանց
«Աւագ Քահանայից, զորոց պատճէնն առաքեմք Վմին
«պատուիրելով և տպագրել առ ի տալ իւրաքանչիւ

«Աւագ երեցանց զմի մի օրինակ ի ձեռն թեմական
 «Առնինից, որոց և պատուիրել անշաղկապութեամբ հսկել
 «անշուշտ ի գործադրութիւն վասն պայծառութեան
 «և բարեկարգութեան Հայաստանեայց սրբոյ առա-
 «քելական եկեղեցւոյ մերոյ և ի փառս»

Հ Ր Ե Հ Ե Ն Գ

Վ.Ա.Ս.Ն ԱՒԵԿ ԲԵԼԵՆԵՑԻՑ ԵՒ ՊԱՐՏԱՌԻՑ ՊԵՇԱՄԵՆ ՆՈՅԱ.

Ա. Աւագ քահանայ կամ աւագերէց ըստ վաղեմի կարգաց Հայաստանեայց եկեղեցւոյ՝ կարգի հրամանաւ Վեհափառ Աթուղիկոսի ամենայն Հայոց իրբ և ի գիմաց Առաջնորդի հսկող ի վերայ բարեկարգութեանց եկեղեցւոյն առ հասարակ որպէս և ի վերայ գնացից այլոց քահանայից և պաշտօնէից նոյն եկեղեցւոյ, յորում և ինքն վարէ զպաշտօն քահանայութեան:

Բ. Աւագ քահանայութիւն ոչ է իրբ Կաթողիկոս կամ իսկ Կաթողիկոս ըստ թիւր կարծեաց ոմանց ուսելոց յօտարամուտ սովորութենէ, այլ հարկաւոր զհին Կաթողիկոս (1):

Գ. Աւագ քահանայն իշխէ միմիայն եկեղեցւոյ ի բում, յորում ինքն վարէ զպաշտօն իսկ ի քաղաքս և ի վիճակս՝ յորս ըստ բազմութեան եկեղեցեաց բազմութիւ իցեն և Աւագ քահանայք կամ Աւագերէցք, մարթէ և առանձին կառավարիչս կարգել չէ՛նք անուամբ՝ տալով նմա զամբաշխարհական ֆանդուկ անուամբ, որպէս սահմանեալ եմք կանխաւ:

Դ. Աւագ քահանայն պարտք են միտ գնել՝ զի մի՛ ինչ գտանիցի, եկեղեցւոյ իւրում թերութիւն կամ հակառակ ինչ Ծիսից և Աւանգութեանց Հայաստանեայց եկեղեցւոյ ըստ ամենայն հանգամանաց, զի սպասք և առնօթք և հանգերձք եկեղեցականք իցեն ի մարթութեան և ի բարեկարգութեան, զի անթերի գտանիցին յեկեղեցւոյ ամենայն ինչ, որ պիտոյ իցէ ի կատարումն Ս. Խորհրդոց, Մկրտութեան, Գրոշմի և Հաղորդութեան, այլ և Գրեանն կարգեալ ի կատարումն Աստուածային պաշտամանց, որպիսի են Աւետարան, Ճաշոց, Խորհրդատետր Սրբոյ Պատարագի, Տօնացոյց, Ժամագիրք Առնինի Սաղմոս, Մայր Մաշտոց, փոքր Մաշտոց, Շարական, Տաղարան և այլն այսպիսի մատեանք, և զի պատուհանք և լուսամուտք եկե-

(1) Պաշտօն Աւագ քահանայութեան համազօր է պաշտօնին Բлагочинный անուանեալ քահանայից Ռուսաց, զորոց զկոչումն թարգմանեալ են մերոզնեայք Ռուսաստանի սպախա բարեկարգի կամ բարեկարգ:

զեցւոյն ունիցին վանդակս երկաթիս և փականք զրանց իցեն ամրապինգք, և առ եկեղեցեաւն գտանիցի միշտ զիշերապահս որ ի պահպանութիւնս:

Ե. Եթէ եկեղեցին պէտս ունիցի նորոգութեանս Աւագ քահանայն պարտ է ազգ առնել զայնմանէ երեցփոխանին և յորդորել զժողովուրդն՝ զի փոյթ կալցին նորոգութեան և միանգամայն ծանուցանել զայնմանէ Առաջնորդին: Եթէ ժողովուրդն առ չքաւորութեան անկարող գտանիցի նորոգել զհնացեալ եկեղեցին կամ ընդ զկարօտութիւն նորին ի զգոտս կամ ի սպասս անօթոց, Աւագ քահանայն հանգերձ երեցփոխանաւն և հաշուեալսք հայցէ յԱռաջնորդէն զժապաւինեալ Մատեան (Տումար) վասն հաւաքելոյ տուրս կամաւորս ի բարեպաշտից, այլ և միտ դնէ զի զրամքն հաւաքեալք մօցեն ի հաշուեմատեանս մօից և ծախուց, և ի գործ զիցին յայն գէղս միայն, յոր և կարգեալ են և յաւարտ հաւաքեալ զրամոցն կամ ժամանակին սահմանելոյ առ այն, մատուցէ զմատեանսն Թեմական Ատենին հանգերձ տեղեկագրով:

Զ. Յորժամ տացի հրաման կառուցանելոյ ուրեք զեկեղեցի, Աւագ քահանայն պարտի միտ դնել՝ զի շինութիւն եկեղեցւոյն լիցի ըստ ձեռյ Հայաստանեայց եկեղեցւոյ և ըստ վայելչութեանս ևս ըստ կարի անյապաղ և անընդհատ շինութեամբ, և եթէ յանկարծ դադարիցի շինութեանս ծանուցանել զայնմանէ Առաջնորդին:

Է. Աւագ քահանայն պարտի միտ դնել և ուշի ուշով նկատել և հսկել զի քահանայք և սարկաւաղունք և զպիւրք եկեղեցւոյ իւրոյ յամենայն աւուրս անխափան գտանիցին ի սուրբ եկեղեցի, յառաւօտ և յերեկոյ և կատարեցեն անթերի զպաշտամունս իւրեանց, և ունիցին վարս պարկեշտս և խաղաղասէրս վայելուչս աստիճանի իւրեանց, և մի՛ երբէք հակառակ սուրբ կոչման իւրեանց պարապեցեն ի խաղս զանազանս, այլ կեցցեն զգոտութեամբ և ամենայն զգուշութեամբ սրպէս վայել է պաշտօնէից սրբոյ Սեղանոյն: Իսկ եթէ անասնիցէ զոք թերացեալ յայսպիսի պարտոց՝ նախ ինքն խրատեցէ երկիցս և յանուղղայ գտանին փութապէս ծանուցանել Թեմական Ատենին կամ Առաջնորդին առ ի զգոտացուցանել ևն:

Ը. Աւագ քահանայն պարտի փոյթ ունել՝ զի ամենայն բարեպաշտ ժողովրդականք կատարեցեն անթերի զհոգեւոր պարտիս իւրեանց հաղորդելով կենարար Մարմնոյ և Արեան Տեառն յերիս նուագս ի տարւոջ, այսինքն ի սուրբ Զատիկին, ի սուրբ Ծննդեան կամ Աստուածայայտնութեան Տեառն և ի Վերափոխման Տօնի Սրբուհւոյ Աստուածածնի:

Թ. Աւագ քահանայն պարտի ուսուցանել ժողովրդիանն՝ զի առ հասարակ արք և կանայք յառաջ քան զերկուս եօթնեակս կամ գէթ զուրթն օր յառաջագոյն քան զհաղորդութիւնն խոստովանեցին սեպհական խոստովանահօր իւրեանց և յաւուր հաղորդութեան ընկալցին զարձակումն ի խոստովանահօրէն և ապա հաղորդեցին սուրբ Խորհրդոյն բոլորովին հետի կալով յօտարամուտ սովորութենէ, որ մուծեալ է յեկեղեցի մեր ի տեղիս տեղիս (հարկւր ամաւ կամ դոյզն ինչ աւելի ժամանակաւ) յա-

առջ — ի մի և ի նոյն աւուր խոստովանիլ և հաղորդիլ, Եւ ի մէջ մեծի պահոց մինչ ծածկեալ է սուրբ Սեղան պատարագի, չէ օրէն հաղորդել զժողովուրդն սուրբ Խորհրդոյն, այլ զինի չորրորդ շաբաթու աղուհացից. եթէ պատահեցի Տօն Աւետման. կարելի է, նոյնպէս և ի Տօնի Մտին ի վիրապըն Սրբոյն Գրիգորի Լուսաւորչի, յորում լինի Բ—ց պարբերական նոյնպէս ի ծաղկազարդի և յԱւագ Հինգշաբաթու աւուրս, և ի Ճըրազալոյցի երեկոյեան, նոյնպէս և ի Զատիկի աւուրն հաղորդեցին, իսկ մինչ ծածկեալ է Սեղանն Ս. Պատարագի խաղորդելն սուրբ Խորհրդոյն օտարաց է ներմուծեալ յեկեղեցի մերս և միայն հիւանդաց և ընդերկար ճանապարհ գնացողաց է ներելի:

Ժ. Աւագ քահանայն պարտի միտ զնել՝ զի անպակաս կատարեսցին յեկեղեցւոյ ժամասացութիւնք յառաւօտու և յերեկոյն և մատուցի սուրբ Պատարագ յաւուրս շաբաթուց և կիւրակէից անխափան, նոյնպէս և յայլ տօնական աւուրս, որք խաչ նշանաւ նշանակեալ են յօրացոյցի մերում, և ամենայն կարգք Աստուածպաշտութեան կատարեսցին ջերմեռանդութեամբ առանց շտապելոյ կամ համառօտելոյ ինչ ի կարգադրելոցն, այլ և չթողուլ փոփոխել զեղանակս երգեցողութեան ի սրբոց Հարց, որ քնկալեալ և սահմանեալ են ի մէջ ըստ արհեստի Հայկական ձայնադրութեան, և մի՛ ինչ աւելի մաղթանս կամ՝ աղօթս կամ՝ երգեցողութիւնս նորանորս յաւելուլ ի ժամասացութիւնս:

ԺԱ. Եթէ որ ի քահանայից կամ յայլոց պաշտօնէից եկեղեցւոյ կամ յաշխարհականաց իսկ գործից չփութս ինչ յեկեղեցւոյ կամ անկարգութիւնս՝ բանիւ կամ գործով, մինչև խափանել առ վայր մի կամ բոլորովին զկարգս Աստուածպաշտութեան կամ ժամասացութեան, Աւագ քահանային պարտք են ծանուցանել զայն Առաջնորդին առանց յապաղանաց:

ԺԲ. Աւագ քահանայն պարտի միտ զնել՝ զի քահանայք և սարկաւագունք, որ ունիցին խէթ և հակառակութիւն ընդ միմեանս, մի՛ երբէք մատուցեն զՊատարագն սուրբ, մինչև հաշտեսցին ընդ միմեանս. Աւագ քահանայն պարտի հաշտեցուցանել ընդ միմեանս և զթշնամացեալսն, և եթէ չյաջողեսցի յայսմ, ծանուցէ Առաջնորդին:

ԺԳ. Աւագ քահանային պարտք են միտ զնել՝ զի Հաղորդութիւն սուրբ պատուով և զգուշութեամբ պահեսցի յԸնծայարանին ի մէջ արծաթի ոսկեզօծ մասնատփոյ, Այլ և պահանջել՝ զի քահանայք պատուով պահեսցեն առ իւրեանս, ի ստիպել հարկին զմասնատուփն սրբոյ Հաղորդութեան ի պէտս հիւանդաց և Հաղորդն կամ Սրբութիւնն, որ ի նմա, մի՛ յոյժ հընացի, այլ նսրողեսցի ըստ կարի յաճախողոյնս:

ԺԴ. Աւագ քահանային պարտ է միտ զնել՝ զի փութով ի միջոցի ութն աւուր անխափան մկրտեսցին մանկունք նորածինք, և մկրտութիւնն անշուշտ կատարեսցի յեկեղեցւոյ, առ ընթեր ունելով իւրեանց ի պաշտամանն զսարկաւագունս և զլպիրս:

ԺԵ. Աւագ քահանայն պարտի զգոյշ լինել՝ զի մի՛ մեռեալք պահեցին ի Ժողովրդական եկեղեցին առաւել քան զերկուս Ժամն, և յետ կատարելոյ զհանդուտեան պաշտօն ի վերայ մեռելոյն՝ տանել ի գերեզման և թաղել յետ անցանելոյ օրինադրեալն Ժամուց, իսկ եթէ գտանիցի ի գերեզմանատան առանձին մատուռն վասն ննջեցելոց, ըստ հնագոյն սովորութեան Հայաստանեայց եկեղեցւոյ, անդ կարեն պահել զմեռեալս, որքան միջոց և կամիցին, բայց զգոյշ լինելով առողջապահական կանոնաց:

ԺԶ. Աւագ քահանայն պարտի զգոյշ լինել՝ զի մի՛ որ ի քահանայից, ի սարկաւազաց կամ ի դպրաց եկեղեցւոյ իւրոյ աղետդի կօշկօք կացցէ ի դասի, կամ առանց հանելոյ զկօշիկս և ագանելոյ զհողածափս մաքուրս ելանիցէ ի բնմն:

ԺԷ. Զթողուլ զի յեկեղեցիս մեր հնարեսցին թափօրք և հանդէսք նորանորք կամ շինեսցին խորանք և մատուռք նորք հակառակ ձեռոյ Հայաստանեայց եկեղեցւոյ:

ԺԸ. Աւագ քահանայն պարտի միտ գնել՝ զի ի Տօնս Սրբոյ Զատիկի և Աստուածայայտնութեան քահանայք ըստ պատշաճի և վայելչապէս կատարեսցնեն զանօրհնէս, նոյնպէս և զայլ այսպիսի արարողութիւնս, առանց բնաւ տեղի տալոյ անկարգութեանց և արբեցութեանց:

ԺԹ. Աւագ քահանայն պարտի փոյթ յանձին ունիլ՝ յաւուրս կիւրակէից և Տօնից տալ Ժողովրդեան խրատս հոգեշահս և առնել ծանուցմունս, նաև բառնալ զօտարամուտ սովորութիւն քահանայից ի խոստովանութեան պահու ստանալ դրամն ի խոստովանարդեաց:

Ի. Աւագ քահանայն պարտի զգոյշ լինել՝ զի մի՛ քահանայք զրկեսցնեն զսարկաւազունս և զգպիրս մի՛ բնաւ հարկանել զնոստ, իսկ եթէ յանցաւոր ինչ գտանիցին նորայ պարտին քահանայք աղդ առնել Աւագ քահանային և եթէ շարունակեսցնեն, յայտնել Առաջնորդին:

ԻԱ. Սարկաւազունք և դպիրք պարտին մեծարել զքահանայս իւրեանց և հնազանդել նոցա և ոչ երբեք անարգել զնոսին բանիւ կամ գործով. իսկ եթէ նեղիցին ի նոցանէ, յայտնեսցնեն Աւագ քահանային, եթէ շարունակեսցնեն և կամ յԱւագ քահանայէն իսկ նեղեցին՝ բողոքեսցնեն առ Առաջնորդն:

ԻԲ. Աւագ քահանայն պարտի զգուշացուցանել զքահանայս և զսարկաւազունս ի զօշաքաղութենէ, և մի՛ նեղեսցնեն և զզուեցուցնեն զԺողովուրդն պահանջմամբ առաւել քան զհափն արծաթոյ կամ այլ տրոց, և մի՛ սակարկեսցնեն վասն կատարման Ս. Խորհրդոց, Մկրտութեան, Պատկի Ս. Պատարագի և Թաղման և այլն:

ԻԳ. Զէ օրէն սարկաւազաց և քահանայից առանց հրամանի Աւագ քահանայի գնալ ուրեք հեռագոյն քան զվերստս 25, և ոչ առ մի օր, իսկ ի հարկաւոր դէպս զխառութեամբ և հրամանաւ Աւագ քահանային կարեն գնալ և ի հեռաւոր տեղիս, բայց միայն յիւրեանց վիճակին, իսկ յայլ վիճակ ոչ բնաւ:

ԻԴ. Ի մեռանիլ քաջանայի կամ սարկաւազի ուրուք, Աւագ քաջանայն պարտի անյապաղ ծանուցանել թեմական Ատենին, տալով տեղեկութիւն զմնացելոց ընտանեաց նորին և մատուցանելով զթուղթս նորա սաշառնականս, միանգամայն և յօրինելով զցուցակ ստացուածոց մեռելոյն՝ առաջի առնել Թեմական Ատենին:

ԻԵ. Աւագ քաջանայն ի մեռանիլ ուրուք քաջանայի եկեղեցւոյ իւրում անյապաղ գնալով առ Ժողովուրդն նորա ստուգեսցէ զեկեղեցական ստացուածս և զգրուածս, որ գտանիցի առ նմա, յանձնէ նորումք քաջանայի որ փոխանակիցէ զառաջինն և կամ ցնշանակել նորոյն, այլում ումք ի քաջանայից յանձնէ՝ յանդիման երեցփոխանին, զնոյն առնէ և ի դէպս հրաժարման կամ մահու երեցփոխանի ուրուք, և եթէ պակաս երեցացի ինչ ի քննութեան Աւագ քաջանայն զգին կորուսելոյ իրին և զանուն կորուսանողին ծանուցանէ Առաջնորդին:

ԻԶ. Աւագ քաջանայն պարտի հսկել՝ զի քաջանայք և սարկաւաղունք և դպիրք եկեղեցւոյ իւրոյ իցեն ի հանդերձս վայելուչս աստիճանի իւրեանց և մանաւանդ զխարկք նոցին միատարազ և բարեձև և զանազանեսցին յաշխարհական անձանց արտաքին եկեղեցական բարեվայելուչ զգեստուք:

ԻԷ. Աւագ քաջանայն յընդունել իւրում ի Հոգեւոր իշխանութիւնէ հրամանս և պատուէրս՝ քաջ խելամուտ լիցի իմաստից նոցին և ճշդիւ ի դէպ Ժամու կատարումն տացէ նոցին, չյաւելլով յիւրմէ կողմանէ ի հրամանն զինքնակամ բացատրութիւնս և զերկբայական եղբակացութիւնս, զտարակուսանս այլոց եկեղեցականաց ինքն լուծցէ, իսկ յորժամ և ինքն երկմտիցէ, խնդրեսցէ զլուծումն ի Թեմական Ատենէն կամ յԱռաջնորդէն:

ԻԸ. Աւագ քաջանայն պարտի զգոյշ լինել՝ զի մի չհաս և ապօրինի պսակ զիցեն քաջանայք եկեղեցւոյ իւրոյ, ինկատել զապօրինութիւն ինչ՝ իսկոյն պարտի արգելուլ և անյապաղ գրութեամբ յայտնել Առաջնորդին և Թեմական Ատենին:

ԻԹ. Աւագ քաջանայն պարտ է զգոյշ լինել՝ մի՛ բնաւ պսակ դնել եկեղեցւոց յայլոց ծխոց, խստիւ արգելեալ է նաև յայնպիսի գէպս, յորս մին յեկելոց յամուսնութիւն իցէ ի տեղական Ժողովրդենէ և միւսն՝ յօտար քաղաքէ կամ ի գիւղէ, պարտի անպատճառ վաւերական վկայականս պահանջել յօտարականէն՝ հաստատեալ յԱռաջնորդէ վիճակին օտարականի, յոր վիճակաց և իցէ, թէ ի Ռուսաստանէ, թէ ի Տաճկաստանէ, թէ ի Պարսկաստանէ և յայլոց տեղեաց, ուղղակի գրել առ Առաջնորդն նոյն վիճակի և տեղեկութիւնս պահանջել ստորագրութեամբ Առաջնորդի իւրոյ քաջանայի և համաքաղաքացւոց, մի՛ իշխեսցեն պսակ դնել քաջանայք, մինչև ստացին զյիշեալ վաւերական վկայականս ստորագրութեամբ քաջանայի իւրոյ համաքաղաքացւոյ և ազգակցաց օտարականին՝ հաստատեալ յԱռաջնորդէ վիճակին, Այսպիսի վկայական պահանջի նաև ի պա-

տանկեութենէ անտի պանդխտեալ յօտարականէն, զի մի՛ գուցէ արդէն տմոսն անացեալ լիցի օտարականն և ամուսինն կենդանի լիցի:

Լ. Աւագ քահանայն պարտի փոյթ ունեւ՝ զի արձանագրական (մետրիքական) մատեանք ի դէպ ժամանակի պատրաստեալ տացին քահանայից եկեղեցւոյ իւրոյ անդէն ի սկզբան նորոյ տարւոյն: Նա ինքն միտ զնէ՝ զի ուղղութեամբ և ի ժամու և միօրինակ եղիցին յամենայն մատեանս արձանագրութիւնք. երկիցս և երկուս ի տարւոյ ստուգեսցէ զիրան, իւրով ստորագրութեամբ վաւերացուցանելով զայնս:

ԼԱ. Աւագ քահանայն պարտի միտ զնեւ՝ զի անկորուստ պահիցին ի պահարանի եկեղեցւոյն ցուցակք անօթոց և սպասուց և ամենայն եկեղեցական իւրաց: Այլ և զգուշութեամբ պահեսցին ամենայն հրամանագիրք պատշաճեալք եկեղեցւոյն, որպէս և արձանագրական մատեանք և հաշուեմատեանք ամացն անցերոց, և այլն:

ԼԲ. Աւագ քահանայն պարտի միտ զնեւ՝ զի մի՛ քահանայք յափշտակեցին զմիմեանց ծուխս՝ կատարելով զպաշտամունս նոցա:

ԼԳ. Աւագ քահանայն պարտի միտ զնեւ աշարջութեամբ՝ զի երեցիութանք անպատճառ և ըստ օրինի՝ զրեսցին ի հաշուեմատեանս տուեալս նոցա ի Թեմական Ատենէն զհաշիւ մտից և ելից, և մի՛ ինչ ծախս երեւիլս արացնն առանց զիտութեան իւրոյ և առանց հաւանութեան ժողովրդականացն:

ԼԴ. Աւագ քահանայն պարտի հսկել, զի ի ծխական երկսեռ դպրոցս անպատճառ աւանդեսցն զբրիստոնէական վարդապետութիւն Հայաստանեայց եկեղեցւոյ ի ձեռն հմուտ և ուղղափառ ուսուցչաց, և աջակցել հոգաբարձութեան ի բարեկարգութիւն և ի յառաջակցութիւն դպրոցացն:

ԼԵ. Աւագ քահանայն մի՛ իշխեսցէ թողուլ օտարական վարդապետաց և քահանայից փիլոն տանուլ յեկեղեցւոյ իւրում՝ մինչև չունիցին յանձնարարական զիր ի Սինօզէ Սրբոյ Էջմիածնի:

